

**BOSNA I HERCEGOVINA
FEDERACIJA BOSNE I
HERCEGOVINE KANTON
SARAJEVO
OPĆINA HADŽIĆI
Općinski načelnik**



Broj: 02-04-1-4169/2025
Hadžići, 03.04.2025. godine

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije Bosne i Hercegovine" broj: 12/03 i 34/03 i 65/13), Odluke o usklađivanju statusa JKP "Komunalac" d.o.o. Hadžići sa Zakonom o javnim preduzećima u Federaciji BiH-prečišćeni tekst („Službene novine Kantona Sarajevo" broj: 38/16) i Odluke o standardima i kriterijima za imenovanje na pozicije predsjednika i članova Skupštine JKP "Komunalac" d.o.o. Hadžići, broj 02-14-5-2924/2019 od 05.04.2019. godine, Općinski načelnik Općine Hadžići o b j a v l j u j e

JAVNI OGLAS

za imenovanje kandidata za pozicije predsjednika i članova Skupštine
Javnog komunalnog preduzeća "Komunalac" d.o.o. Hadžići

I - Predmet javnog oglasa

Objavljuje se javni oglas za imenovanje predsjednika i članova Skupštine Javnog komunalnog preduzeća "Komunalac" d.o.o. Hadžići.

Izbor i imenovanje za imenovanje kandidata za pozicije predsjednika i članova Skupštine Javnog komunalnog preduzeća "Komunalac" d.o.o. Hadžići vrši se na način da iste na prijedlog Konkursne komisije imenuje Općinski načelnik, a odluku o imenovanju potvrđuje Općinsko vijeće Hadžići.

II - Opis pozicije

Nadležnosti Skupštine Preduzeća regulisane su članom 17. Odluke o usklađivanju statusa JKP "Komunalac" d.o.o. Hadžići sa Zakonom o javnim preduzećima u Federaciji BiH-prečišćeni tekst („Službene novine Kantona Sarajevo" broj: 38/16).

III - Mandat

Predsjednik i članovi Skupštine Preduzeća imenuju se na period od 4 godine, sa mogućnošću ponovnog izbora.

Predsjednik i članovi Skupštine Preduzeća ima pravo na naknadu za svoj rad, koja se utvrđuje posebnom odlukom Općinskog načelnika.

IV- Uslovi za pozicije

Kandidat mora ispunjavati opće i posebne uslove.

Opći uslovi:

- a) da je državljanin Bosne i Hercegovine (dokaz: uvjerenje o državljanstvu ne starije od 3 mjeseca);
- b) da je stariji od 18 godina (dokaz: Izvod iz matične knjige rođenih);
- c) da nije osuđivan za krivično djelo, pet godina od pravosnažnosti presude isključujući vrijeme zatvorske kazne (dokaz: uvjerenje nadležnog MUP-a);
- d) da nije osuđivan za privredni prestup nespojiv sa dužnošću Skupštine, pet godina od pravosnažnosti presude, isključujući vrijeme zatvorske kazne (dokaz: uvjerenje nadležnog Suda);
- e) da se protiv njega ne vodi krivični postupak (dokaz: uvjerenje nadležnog Suda);
- f) da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od 3 (tri) godine od dana objavljivanja upražnjene pozicije (dokaz: Izjava potpisana i ovjerena od strane nadležnog općinskog organa);
- g) da se na tog kandidata ne odnosi član IX.1. Ustava Bosne i Hercegovine (dokaz: Izjava potpisana i ovjerena od strane nadležnog općinskog organa);
- h) da nije izabrani zvaničnik, nosilac izvršnih funkcija ili savjetnik, u smislu Zakona o sukobu interesa u institucijama vlasti Bosne i Hercegovine (dokaz: Izjava potpisana i ovjerena od strane nadležnog općinskog organa);
- i) da nije stariji od 65 godina na dan imenovanja.

Posebni uslovi:

- a) da ima visoku stručnu spremu VII stepena, ili završen II ciklus Bolonjskog studija sa 240 ETSC kredita (dokaz: univerzitetska diploma);
- b) da ima najmanje tri godine staža u struci (dokaz: potvrda ili uvjerenje);
- c) da posjeduje znanja i sposobnosti razumjevanja poslovnih izvještaja i poznavanja propisa iz oblasti poslovanja privrednih društava (dokaz: izjava potpisana i ovjerena od strane općinskog organa);
- d) da nema privatni finansijski interes u preduzeću (dokaz: izjava potpisana i ovjerena od strane nadležnog općinskog organa);
- e) da nije direktor ili član Nadzornog odbora ili Odbora za reviziju u Preduzeću (dokaz: izjava potpisana i ovjerena od strane nadležnog općinskog organa);

V - Potrebni dokumenti

Kandidati su dužni uz svojeručno potpisanu prijavu, koja sadrži kraću biografiju, adresu i kontakt telefon, priložiti originalne dokumente ili ovjerene kopije dokumenata ne starije od 6 (šest) mjeseci, koji su dokaz o ispunjavanju općih i posebnih uslova traženih oglasom, u roku od 15 dana od dana posljednjeg objavljivanja.

Oglas će biti objavljen u "Službenim novinama Federacije Bosne i Hercegovine" u dnevnom listu „Oslobođenje“, na oglasnoj ploči i na web stranici Općine Hadžići.

VI - Ostale napomene

Svi kandidati koji budu stavljeni na listu sa užim izborom biće pozvani na intervju pred Konkursnom komisijom, koju imenuje Općinski načelnik. Prije intervjua kandidati su dužni dati podatke o ranijim neposrednim rukovodiocima od kojih se mogu dobiti informacije i preporuke o kandidatima.

Obrasci na kojem će se navesti prethodni neposredni rukovodioci se mogu dobiti neposredno prije intervjua.

Podnosioci prijava sa kojima Konkursna komisija ne stupi u kontakt u roku od 10 (deset) dana od isteka roka za podnošenje prijava, neće učestvovati u daljoj konkursnoj proceduri.

Sve informacije u toku postupka kandidovanja su transparentne, osim ako informacije o podnosiocima prijava nisu povjerljive u smislu Zakona o zaštiti ličnih podataka BiH ("Službeni glasnik BiH" broj: 32/01).

Kandidat koji bude imenovan na jednu od navedenih pozicija po ovom Javnom oglasu, dužan je uvjerenje nadležnog suda da nije osuđivan za krivično djelo i za privredni prestup 5 godina od dana pravosnažnosti presude, isključujući vrijeme zatvorske kazne kao i uvjerenje nadležnog MUP-a o nekažnjavanju dostaviti i upravi JKP „Komunalac“ d.o.o.Hadžići.

Konkursna komisija će sačiniti rang listu uspješnih kandidata, prema broju ostvarenih bodova i istu dostaviti Općinskom načelniku, radi sastavljanja prijedloga konačnog imenovanja, a koje će izvršiti Općinsko vijeće Hadžići.

U slučaju kada postoje dokazi da principi utvrđeni u članu 3. Zakona o ministarskim, vladinim i drugim imenovanjima Federacije BiH ili postupci nisu ispoštovani, zainteresirana stranka može podnijeti prigovor na konačno imenovanje.

Prigovor se podnosi Općinskom načelniku, a kopija prigovora se dostavlja i Ombudsmenu za ljudska prava Bosne i Hercegovine.

Prijave na oglas sa svim traženim dokumentima dostavljaju se lično ili poštom preporučeno na adresu:

Općina Hadžići, Komisija za izbor, Hadžići, ul. Hadželi br. 114 (pisarnica), sa naznakom na koverti: "Prijava za Predsjednika i članove Skupštine JKP "KOMUNALAC" d.o.o. Hadžići - NE OTVARAJ". Na poledini koverta navesti ime i prezime podnosioca prijave, adresu i kontakt telefon.

Nepotpune i neblagovremene prijave neće se uzeti u razmatranje.

NAPOMENA:

Ukoliko se jedan kandidat prijavljuje na obje pozicije iz ovog Javnog oglasa mora podnijeti dvije prijave sa potrebnom dokumentacijom. Obrazac prijave i izjavu (ako kandidat nije sam napisao prijavu i izjavu) mogu se preuzeti na web stranici Općine Hadžići ili na Recepciji Općine Hadžići, ul. Hadželi br. 114, Hadžići.

Na zahtjev podnosioca, vraćaju se samo originalni dokumenti.

Ovaj Javni oglas se ponovo objavljuje iz razloga što po javnom oglasu za imenovanje na

poziciju predsjednika i članova Skupštine JKP Komunalac“ d.o.o. Hadžići koji je objavljen u dnevnom listu „Oslobođenje“ dana, 04.03.2025. godine i u Službenim novinama Federacije BiH dana 05.03.2025. godine niko nije imenovan na navedene pozicije.

OPĆINSKI NAČELNIK

Eldar Čomor, prof.